



Broj: JN-1/18.7.3-16.4-20-11/24  
Datum: 14.06.2024. godine

Na osnovu člana 61. Zakona o Upravi ("Službeni glasnik BiH", broj 32/02 i 102/09), člana 22. stav 1. Zakona o Službi za poslove sa strancima ("Službeni glasnik BiH", broj 54/05 i 36/08), člana 64. stav (1) tačka b), člana 70. Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) i Zapisnika o pregledu i ocjeni ponuda broj: JN-1/18.7.3-16.4-20-10/24 od 13.06.2024. godine, direktor Službe d o n o s i:

## **O D L U K U**

### **Član 1.**

Prihvata se preporuka Komisije za javne nabavke Službe o dodjeli Okvirnog sporazuma najpovoljnijem ponuđaču, na osnovu kriterija ekonomski najpovoljnije ponude u otvorenom postupku za usluge servisiranja i popravke putničkih motornih vozila koja nisu u garantnom roku i to:

- **LOT-1 „TOTAL TRADE“ d.o.o. Doboj** sa ukupnim iznosom ponude od **18.212,30 KM** bez PDV-a, odnosno **21.308,40 KM** sa uračunatim PDV-om.
- **LOT-2 „GUMA M“ d.o.o. MOSTAR** sa ukupnim iznosom ponude od **14.790,67 KM** bez PDV-a, odnosno **17.305,08 KM** sa uračunatim PDV-om.
- **LOT-3 „MRM EXPORT-IMPORT“ d.o.o. Ljubuški** sa ukupnim iznosom ponude od **7.524,00 KM** bez PDV-a, odnosno **8.803,08 KM** sa uračunatim PDV-om.
- **LOT-4 „TOTAL TRADE“ d.o.o. Doboj** sa ukupnim iznosom ponude od **7.376,52 KM** bez PDV-a, odnosno **8.630,53 KM** sa uračunatim PDV-om.

### **Član 2.**

Ugovorni organ će u roku od 5 dana dostaviti na potpis i ovjeru ponuđaču iz člana 1. ove Odluke potpisan i ovjeren Okvirni sporazum sa svoje strane računajući od dana zaprimanja saglasnosti Pravobranilaštva BiH na Protokolu Službe.

Ponuđač čija je ponuda izabrana kao najpovoljnija obavezuje se da dostavljeni potpisani i ovjereni Okvirni sporazum potpiše i ovjeri u roku od 10 dana od dana prijema, te da isti dostavi na Protokol Službe za poslove sa strancima.

U suprotnom Služba za poslove sa strancima smatrat će da je izabrani ponuđač odustao od Ugovora i dodjelit će Okvirni sporazum drugorangiranom ponuđaču.

### **Član 3.**

Za realizaciju ove Odluke zadužuje se Sektor za administraciju.

### **Član 4.**

Ova odluka objavit će se na web stranici Ugovornog organa, [www.sps.gov.ba](http://www.sps.gov.ba), i istovremeno će se uputiti ponuđačima koji su učestovali u postupku javne nabavke.

## Član 5.

Odluka stupa na snagu danom donošenja.

### O b r a z l o ž e n j e

Postupak javne nabavke pokrenut je Odlukom o pokretanju procedura javne nabavke za usluge servisiranja i popravke putničkih motornih vozila koja nisu u garantnom roku za lokacije Sarajevo (LOT-1.), Banja Luka (LOT-2.), Mostar ili Ljubuški (LOT-3) i Tuzla ili Bijeljina ili Brčko (LOT-4) proveden je putem otvorenog postupka sa objavom tenderske dokumentacije i obavještenja o nabavci broj: 1420-1-2-17-3-16/24 na Portalu javnih nabavki i objavom sažetka obavještenja u Službenom glasniku BiH broj 37/24 od 31.05.2024. godine.

Na osnovu obavještenja o nabavci za usluge servisiranja i popravke putničkih motornih vozila koja nisu u garantnom roku ponude su dostavili 6(šest) ponuđača i to:

- „GUMA M“ d.o.o. Mostar
- „MRM EXPORT-IMPORT“ d.o.o. Ljubuški
- „VERANO MOTORS“ d.o.o. Banja Luka
- „TOTAL TRADE“ d.o.o. Doboj
- „AUTODELTA“ d.o.o. Sarajevo
- „AC BLOK“ d.o.o. Sarajevo

Komisija za javne nabavke Službe imenovana Odlukom direktora broj: 18.1-16.4-132/24 od 09.04.2024. godine izvršila je pregled i ocjenu ponuda (Zapisnik o pregledu i ocjeni ponuda broj: JN-1/18.7.3-16.4-20-10/24 je u prilogu Odluke) i uputila preporuku direktoru Službe za izbor najpovoljnijeg ponuđača.

Uzimajući u obzir navedeno, odlučeno je kao u dispozitivu ove Odluke.

### Pouka o pravnom lijeku

Žalba se izjavljuje Uredu za razmatranje žalbi BiH putem Ugovornog organa u pisanoj formi u tri primjerka neposredno, elektronskim putem ili preporučeno poštom sa povratnicom u roku od 10 dana od dana prijema ove odluke.

Dostaviti:

- ponuđačima
- web stranica Službe
- a/a

